

Parlamentario Mario Croes:

Awor mester pone mihor esfuertzonan pa logra e metanan

ORANJESTAD (AAN)- Como e di 6 orador ayera mainta pa eligi un presidente y vicepresidente di Staten, Sr. Mario Croes a expresa su mes cu e ta contento di ta pa promer biaha den e parlamento di e pais stima Aruba. Na e ocasion ey su pensamentonan ta dirigi pa brinda su servicio na e pueblo di Aruba ariba cual e progreso berdadero di Aruba ta depende.

Como ciudadano, sr. Croes a sigui bisa, e lo dedica su mihor esfuertzonan pa por a respalda e causa di e Arubianonan y pesey e ta decidido na mantene e mas sincero actitud pa cu e pueblo cu el a escoge pa sirbi. E ta spera di por desaroya un labor fructifero den e parlamento Arubiano cu e cooperacion debido pa bon in-

iciativanan cu e lo percura pa promove.

El a sigui bisa cu ta su intencion pa haci su trabao como parlamentario cu e mas dedicado atencion pa asina percura cu e interesnan mas esencial di e pueblo no worde perhudica.

Ta na su lugar resalta cu M.E.P. ta di e firme proposito di hiba un ameno reconciliador caminda por y lo ta decidido ariba terenonan fundamental di e politica nacional, salubridad publico, patrimonio nacional, economia balanza, desaroyo economico, reparticion husto di e bienestar economico, explotacion di riquezanan, proteccion di mercado, educacion y un manejo financiero sano, Sr. Mario Croes a sigui bisa.

E confianza cu ta existi den e coalicion cu a worde forma cu e dos partidonan P.P.A. y A.D.N. ta tambe e confianza cu e pueblo di Aruba por tin den un futuro gobernacion solido cu por brinda un seguridad

politico na henter mundo, deshaciendo asina di e inseguridad cu tabata existi den e gobernacion cu a termina, parlamentario Mario Croes a enfatiza.

Sr. Croes a bisa cu awor tur

mester pone e mihor esfuertzonan pa logra e metanan cu a pone nan dilanti. M.E.P. kier garantiza e pueblo di Aruba den su totalidad un futuro briyante cu tanto un y tur tin derecho di persigui.

Lucio Croes ta confirma su retiro for di PDA

ORANJESTAD (AAN) -- Ademá di Juan Farro, Lucio Croes tambe a dicidi di bandona e partido PDA.

Lucio Croes a manda un carta pa e conseho di partido caminda e ta confirma su retiro for di PDA.

DIARIO a ricibi copia di e carta cu ta papia pa su mes.

"Pa medio di e carta aki y pa

un buena marcha, mi kier confirma mi retiro for di conseho di partido di PDA ya for di entrante 17 November 1988.

Esaki di acuerdo cu articulo 5 lid 4a di e Estatutonan di PDA. Consientemente mi no a haci uso di e oportunidad cu articulo 5 lida 2a ta brindami pa haci un peticion pa bolbe bira miembro di conseho di PDA.

Via Tele Aruba, den un programa di partido PDA mi por a tende cu PDA a escoge un secretario general nobo. Di acuerdo cu esaki, mi ta asumi cu articulo 5 lid 4b tampoco no ta conta pa mi mas.

Ta restami solamente pa desea PDA tur clase di exito pa cu futuro".

Boulevard Theatre ta bay cera pa algun luna

Ultimo funcion lo ta dia 26 di e luna aki

ORANJESTAD (AAN)- Ta generalmente conoci cu hopi reconstruccion y remodelacion lo tuma lugar den Boulevard Shopping Center. En conexion cu Sonesta Hotel lo construi un fabuloso casino cu lo ocupa e espacio di e actual Boulevard Teater.

Un teater nobo ultramoderno lo worde construi den e compleho turistico aki pa reemplaza esun actual. Ultimo funcion di Boulevard Teater lo ta February 26, 1989.

Drive Inn y Principal Teater ta continua normalmente mientras cu Boulevard Teater ta cera.

Gerencia di De Veer Theatres ta gradici su clientela pa e apoyo y ta pidi nan comprension pa e interrupcion aki. Si tur cos bay segun plan e reapertura di Boulevard Theater lo tuma lugar den e segundo mitar di aña.


a touch of dutch in the caribbean



AMSTERDAM MANOR
beach resort

As we soon will start our New Marketing & Sales programs we need experienced Time-Share or Condominium Salespersons and O.P.C.
Guaranteed income + commission, with excellent Bonus System

Please call for appointment 34376/ 31492



ORANJESTAD (AAN) -- Despues di basta dia mara den e puerto na Oranjestad, e barco Minatur por a worde descarga pa asina bondona Aruba. E barco Minatur a bin for di Curacao cu hariña pa consumo local. Debi na e hecho cu trabaoan di reparacion tabata tumando lugar e grua grandi di APA esaki no por a worde usa. Apesar di a haci uso di un grua no por a baha tur e containeman. Recientemente e grua di APA a keda drecha y di e forma aki a caba di baha e containeman di hariña.